



Inatsisartuni ilaasortaq, Stine Egede, Inuit Ataqtigiit  
/Maani

## **Qaortup Mittarfissaa pillugu § 37 naapertorlugu apeqquteqaammut 2020-085- imut akissut**

22-06-2020  
Suliaq nr.: 2020 - 9804  
ID nr. 53982106

Asasara Stine Egede

Postboks 909  
3900 Nuuk

Inatsisartut suleriaasianni § 37 naapertorlugu Qaortup mittarfissaa pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Naalakkersuisut Qaortumi mittarfiliassaq piffissaq eqqorlugu aallartinneqassasoq naatsorsuutigaat?**

*Akissut:* Kalaallit Airports Domistics A/S-ip neqerooruteqartitsinissamut suliaq aallartippaa. Neqeroorutit misissoqqissaarneqareerpata, Kalaallit Airports Domistics A/S tamanna pillugu ilisimatitsisinnalissaaq.

### **Apeqqut 2. Suliarinnittussamut neqeroortitsineq aallartereerpa?**

*Akissut:* Kalaallit Airports A/S-ip nittartagaa [www.kair.gl](http://www.kair.gl) aqqutigalugu tusagassiorfinnut nalunaarut naapertorlugu neqerooruteqartitsineq 31. januar 2020-mi aallartippoq.

### **Apeqqut 3. Mittarfissap tungaanut aqquserngup qallerlugu naammassinissaa kiap akilissavaa?**

*Akissut:* Akissuteqarnissamut tapiliussassamik Aningaasaqarnermut Naalakkersuisoqarfik pissarsiniarfigineqarpoq:

*"Mittarfimmuut aqqusernup suliarineqarnera taamani suliffissaaleqisut amerlanerat peqqutigalugu immikkut ittumik suliffissaqartitsiniutitut ingerlanneqarpoq, Nunap karsianit aningaasalersorneqarluni.*

*Aqquserniamit sinneruttup ilaa soorunami mittarfiliorneqarpiamut atasuuvoq, taannalu Kalaallit Airports Domestic A/S-imit akilerneqartussaalluni. Aqquserngup inaarsarneqarnissaani anguniagassat, qanorlu aningaasalersuisoqassanersoq Namminersorlutik Oqartussat kommunillu akornanni sulii isumaqatigiissutigineqanngillat. Nunaannarmi sanaartornissaq pineqarpoq, matumanilu kommunit Namminersorlutik Oqartussallu (taamani Namminersornerullutik Oqartussat) akornanni 1998-imi isumaqatigiissutaat atuuttoq naapertorlugu suleriaasissaq, maannakkut nutarterneqarluni."*

### **Apeqqut 4. Qaortumi mittarfissap piffissaq eqqorlugu naammassinissaa sulii pilersaarutaava?**

*Akissut:* Apeqqut 1-imut akissut takuuk.

**Apeqquut 5. Covid-19-ip kingunerisaanik aningaasarsiornikkut sunniutit eqqarsaatigalugit taakku Qaqortumi mittarfissamut sunniuteqassappat?**

*Akissut:* COVID-19-ip kingunerisassaasa Kalaallit Airports A/S-ip ataani mittarfiliortiternernut piffissamut pilersaarutinut sunniuteqarsinnaanerit pinngitsoortussatut oqaatigineqarsinnaanngillat.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Karl Frederik Danielsen